

## Ou fiill pródigo

*Vandjélo sécount Luca dou neu testament*

Un omm ou n'et dui fiill. Ou più djovan ou di a ou sei pare. Pa, doun-me la mià par d'éredità qué mi spetta. É ou pare ou divit tra lour ou sei ben. An poc at djeur apreu arcuillàn tut i sei ben ou fiill più djovan ou part par un pais lougn é ou dahpeun i sei ben an vivàn malamèn. Queunt'a l'a tut dahpandù una grosa carestia ariva an seut pais é ou ancamina a santì la privachouèn. Ou va a butè-se a ou sarvisse d'un abitant da seut pais qué lou meunda an campagna a buquè i toui.

Tchel us ben voulù ampyi-se la peunsa at carubbe qué mindjavan i toui, ma gnun a ll na dounava. Tournant aloura an sè stés, ou di tra tchel : « Vèro laouré dou mé pare n'an at peun an aboundeunsa é mi sèi si a mourì at fam. Mi veuill partì, alè vers ou mé pare é di-lle : Pa, mi èi fet pitché countra ou tchéi é countra ti. Mi mérito pamas d'ése tchamà teui fiill. Trat-me stémme un di teui sarvitoù. Tchel aloura ou part é ou va vers ou sei pare.

Mentre ou l'éra ancoura lougn, ou sei pare l'a iu-lo é l'a fèi-lle pèina. Ou cor a campé-se a ou sei col é lou eumbrasa ténérément. Ou fiill aloura lli di : « Pa, èi fet pitché countra ou tchéi é countra ti. Mérito pamas d'ése tchamà teui fiill. Ma ou pare ou di ai sei sarvitoù: « Vitto, pourtì la più billa vastimenta é vastissi-lo, buti-lle un anél ant'ou dèi é at tchaoussamenta ant'i pé. Pourtì ou vél gras, masi-lo, mindjèn é fazèn féhta parqué ou mé fiill qué a l'éra mort a l'é tournà an vitta, a l'éra pardù é èi ritrouva-lo ! É as butten a fè féhta. Ou sei fiill più véill a l'éra ant'i tchamp. Queunta ou tournava é a l'éra dapé la mazoùn ou santis at mùzica é at baill.

Tchamàn un laouré s'anforma da tchoza pét ése. Seut si lli di : « A l'é ou teui frère qué a l'è arivà, é ou teui pare a l'a masà ou vél gras, parqué l'a trouva-lo an bouna salutte ». Tchel aloura s'anrabbia é s'arfudda d'antrè. A ou sei pare qué a l'éra sourtì a ampriè-lo, ou rahpouèn : « Ecco, a l'é tent d'an qué at sarvisso, senza mai avé sbaillà un soul di teui orden, é mai t'i douna-me un tchuvrèi, par fè féhta ansembio i mé amis. Ma cant ou teui fiill ou torna, apreu avé divourà ou teui ben par fumèlle, ti at fèi masè par tchel ou vél gras ». Ma ou pare lli di : « Ti, t'i ou mé fiill. Ti t'i sempre ansembio mi, é tut seun qué a l'é mé a l'é teui.

Ma vantava ben fè féhta é ése counteun parqué ou teui frère qué a l'éra mort a l'é tournà an vitta, a l'éra pardù é èi ritrouva-lo ».